

culicum. Proximo anno habebitur in Spiritu Vini et sic ulterius eam determinare sit possibile.

Scopoli prodiit cum sua Mineralogia, si tacuisset . . . !

Da Costa Societatem Angl. decepit ideoque absens jam dicitur. Ichthyologiam Massiliensem edidi ipse, utinam Tibi arrideat. Exemplar mittam si occasionem inveniam satis commodam. Vale Vir Perillustris mihi studiisque meis fave.

Scribebantur Lipsiæ. d. 5 Febr. 1769.

Diriguntur literæ pro me ita:

a Monsieur Brünnich.

abzugeben bey den Herrn Albert Friederich Gregory a Dresde

A Monsieur Mons<sup>r</sup> Charles de Linné Chevalier de l'Ordre de Nordstierne Premier Medecin, Professeur en botanique & Membre des plus celebres Societes des sciences, &c. a Upsal en Suede

franco hamborg

med en Fiaril uti.

(48) Perillustri & Generoso Equiti

Celeb<sup>mo</sup> DD Carolo a Linné

S. pl. d.

Martinus Th. Brünnichius

Novum iterum solamen è Tuis Fribergæ acceptis habui, et maximum, si Te incolumem in patria visitare aliquando mihi datur, inveniam desiderium impletum. Recte divinatus es me Professore designatum Hafniensem, nam d. 5 Maji hujus anni mihi hanc spartam contulit Regis gratia, utinam aliquo modo has partes implere possem, qui meliores annos Theologicis & Linguis orientalibus jamjam sacravi. Forte anno proximo Sueciam & Norvegiam visitare aggrediar. Jam domum tendo ita ut fodinas Hercyniæ hac vice intactas præteream.

En inclusa diptera quæ boves in provincia Banat dicta in confiniis nempe Vallachiæ occidant. Me judice Tabani